



## **Universitätsbibliothek Paderborn**

### **Instructio Practica ...**

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà  
cum Rubricis ejusdem Missæ brevibus Notis illustratis

**Lohner, Tobias**

**Dilingæ, 1676**

Tit. XVII. De Symbolo.

[urn:nbn:de:hbz:466:1-48307](#)

TITULUS XVI.  
DE CONCIONE.

*Ritus Solemnis.*

I. **C**oncio regulariter habenda esset statim post Evangelium, Celebrante incensato, si quidem tunc incensatio facienda sit, aut saltem post *Credo*, si dicendum sit, ut plurimum Ecclesiarum usus habet. Potest tamen ob Ecclesiam vel Populi commoditatem ante vel post Missam, non autem post oblata haberri, cum hoc sit expressè contra Rubricas Missalis. Bauldrius p. 1. c. 15.

II. Si Celebrans ipse concionatur, sedeat in cornu Evangelij super sede parata, depositâ casulâ & Manipulo; si autem hoc fieri commodè non possit, depositâ Planetâ & Manipulo ad Cathedram sine Ministris procedat. Gav. p. 1. tit. 6. n. 6.

III. Si coram Episcopo in loco suæ Jurisdictionis sub Missa (nam extra illam petere non debet) eum concionare contingat, circa initium Evangelij ad eum cum debita reverentia accedat, & genuflexus benedictionem petat dicens: *Iube Domne benedicere*, osculata priùs manu ejus. Tum Cathedram ascendens, Prælato profundam, alijs capitis inclinationem faciat. Bauldrius p. 1. c. 10. n. 9.

IV. Si SS. Sacramentum sit expositum, Concionator durante Concione, nudo capite stare debet, nisi velum obducatur vel Sacramento. *Ibid. n. 4.* quod tamen rectè aliqui intelligendum ajunt, si Concionator intra Chorum, in quo SS. Sacramentum expositum prostat, concionetur; secus verò, Cathedra in navi templi seu infra Chorum sit erecta.

V. Si SS. nominum J E S V vel M A R I A E fiat mentio, caput discooperire debet; si tamen sæpe sint repetenda, ut atque potius nomine Christi, Redemptoris, Dominæ nostræ, Cælestis Reginæ aut similibus. *Ibid. n. 5.*

TITULUS XVII.  
DE SYMBOLO.

*Ritus Communis.*

I. **Q**uando dicatur Symbolum, conati sunt aliqui tribus hisce verbis, *MVC non credit*, exprimere: indicant enim per hoc voluerunt, Symbolum nunquam dici in Festa ullius

ullius *Martyris* per litteram *M.* indicati: neque *Virginis*, aut *Vidua*, alteriusve non *Virginis*) per litteram *V.* (excepta *S. Maria Magdalena*) nec *Confessoris*, per litteram *C.* repræsentatæ ( si non sit Doctor Ecclesiæ ) nisi ejusmodi Sancti, & Sanctæ sint Patroni, aut Titulares Ecclesiæ totius (non Capellæ tantum in eadem Ecclesia) aut in Dominicis, & infra Octavas Festorum Symbolum habentium occurrant, sicut constanter occurunt, *S. Joannes Baptista*, *S. Laurentius*, *S. Stephanus*: & non constanter, plures alij: aut de ijsdem approbata quædam insignis Reliquia (qualis juxta Quarti p. 1. tit. 11. dub. 3. non est manus, vel pes, vel aliud frustum, sed caput, brachium, crus, aut pars illa, in qua passus est Martyr, modò integra sit, & non parva) habeatur. Gavant. p. 1. tit. 11. litt. *H.* Censebitur autem etiam adhuc *integra pars*, caput v. g. tametsi ex pluribus fragmentis constet per artificialem unionem conjunctis: modò adsint omnia frusta, seu fragmenta, quæ requiruntur ad integratatem ejusdem membra, & ita aptè simul conglutinentur, ut appareat integrum caput, brachium &c. Quarti p. 1. tit. 1. dub. 4.

II. Ex dictis porrò colligitur, Symbolum dicendum esse, in omnibus Festis SS. TRINITATIS, sive in Communi (quò spectant omnes Dominicæ, præcipue TRINITATIS) sive in specie (uti sunt omnia Festa Christi, etiam de Inventione, Exaltatione Crucis illius, &, ob paritatem rationis, de Spinea Corona, aut Feste Armorum illius, Transfiguratione, & Coena in Feria quinta S. Hebdomadæ, & Dedicatione S. Salvatoris. Item Festa S. Spiritus, nempe Pentecostes. In Festis quoque B. Virginis, Angelorum, Evangelistarum, & Apostolorum; tam in Festis proprijs, quam alia cujusque memoria. Reducuntur quoque ad Festivitates Apostolorum, solemnitates, quæ fiunt in creatione, & coronatione Summi Pontificis; in electione & consecratione Episcopi, qui sunt Successores Apostolorum: quò etiam spectant, ob eandem causam, Festa Doctorum Ecclesiæ. Quarti p. 10. tit. 11. in litt.

III. His accedunt Dedicatio, quotiescunq; præscripta est in Missali, Consecratio Ecclesiæ aut Altaris, Anniversarius quoque Dedicationis Ecclesiæ propriæ, & Cathedralis, per Diœcesin, etiam à Regularibus (ex congruentia) sed sine

Octa-

Octava, tamen pro Feste primæ Classis, observandus. Gavant. 10. 2. sect. 8. c. 5. n. 5. In Feste etiam SS. Omnim Symbolum dicitur, quod apud Gavant. p. 1. tit. 11. ad Dedicacionem ab Innocentio refertur.

IV. Dicitur Symbolum per omnes Octavas Festorum praecedentium, quæ cum Octava celebrantur.

V. Symbolum quoque dicitur in Feste Patroni, Titularis, & in Festis principalibus Ordinum, & per eorum Octavas in Ecclesijs illis tantum, in quibus hæc Festa celebantur. Ubi dubitârunt nonnulli, an si v.g. alij, qui ad Ecclesiam illam vel Ordinem non pertinent, ibidem celebrent, sub ritu duplicitis primæ Classis, an verò sub ritu communi Missam dicere, adeoque *Credo* omittere debeant, si alioqui nullum ei Missa habeat; ad quod dubium respondendum videtur, posse omnino quemque sub eodem rite, quo Ecclesia illa tale Festum celebrat, licet non teneatur; si enim potest Peregrinus Legibus loci, per quem transit, se accommodare, cur non & is, qui in Ecclesia aliena celebrat, ritum illius Ecclesiæ observare queat? Symbolum quoque dicitur in Festis principalibus Ordinum, & per eorum Octavas, in Ecclesijs eorum Ordinum tantum. Et denique in Missa solemnni, pro re gravi vel publica Ecclesiæ causa; qualem neutram facit solu Populi concursus. Gavant. p. 1. tit. 11. litt. N. in fine. Causa autem, ob quas res pro gravi habenda sit, suprà sunt positæ tit. 10. n. 4. Publica verò Ecclesiæ causa dicitur, ob quam Oratio fit solemnis, decem, vel quadraginta horarum, quando fiunt Comitia generalia, vel provincialia Regula Altarium &c. Gerlac. p. 1. tit. 11. §. 6.

VI. An verò in Translatione Sanctorum Symbolum dicatur, quæstio est. Gavantus p. 1. tit. 11. litt. H. dicendum profic putat, si Officium sit Duplex, quod Translationi principali tantum Patroni concedere solet sacra Rituum Congregatio. Gerlac. autem p. 1. tit. 11. §. 2. Si Festum, inquit, Translationis fit alicujus Sancti, qui requirat Symbolum in Feste proprio, v. g. si sit Doctor Ecclesiæ, vel Apostolus &c. videtur dicendum etiam Symbolum, licet Festum sit tantum Semiduplex. Hinc porrò infert, in Ecclesijs, in quibus Feria quinta, aut in Sabbato Officium fit de SS. Sacramento, a B. Virgine, sub Ritu Semiduplici, Symbolum dicendum est.

*in ipsa Missa observandis.*

49

Sicut dicitur in Dominicis, quæ tantum sunt Semiduplicia. Sed hæc opinio videtur contra communem Ecclesiæ praxin, quæ nulli Semiduplici Symbolum assignare consuevit, nisi sit dies Dominica, aut dies infra Octavam. Unde omnino sententia Gavanti præferenda videtur.

VII. In Missis privatis, ad verba *Incarnatus est*, etiam in Festo Annuntiationis, & tribus Missis in Nativitate Domini, Celebrans non flectit utroque genu, sed uno tantum, ut facilius surgat, juxta usum communissimum, ait Gavant. p. 1. tit. 17. ad finem. Cùm dicit, *I E S V M Chriſtum, &c., adoratur*, caput inclinat.

*Ritus Solemnis.*

I. Finito Evangelio aut Concone, datoque signo à Cæremoniario, extendens & elevans manus, *Credo* cantat. & dum dicit *In Vnum*, easdem conjungit, & caput Crucis inclinat prosequendo Symbolum privatim. Ad verba *Incarnatus est*, genuflectit, ut supra dictum est num. 7. & ad *I E S V M Chriſtum*, & ad *adoratur* caput inclinat. Cùm dicit *Et vitam venturi ſaculi* Cruce majori sese signat, & facta Crucis debitâ reverentiâ, per viam breviorē ad sedem suam descendit, ubi ad verba supradicta caput, & ad *Ingarnatus est* profundè se inclinat; si non sedet, genuflectit, ut n. seq. in fine.

II. In Festo Nativitatis Domini & Annuntiationis surposita git à sede, & super infimo gradu in cornu Epistolæ flectit genua, facie ad cornu Evangelij conversâ, & quando canitur, *Homo factus est*: caput inclinat: aut si non sedet, in superiori Altaris gradu genuflectit, & ad dicta verba caput profundè inclinat.

III. Cùm Diaconus ante, quād ad credentiam vadat, profundè se inclinat ante Celebrantem, ipse quoque modica capitis cooperati inclinatione eidem respondet.

IV. Circa finem Symboli dato signo surgit, & ad Altare translazedit, sicut supra de fine ad *Gloria in Excelsis* dictum.

**TITULUS XVIII.**

**D E O F F E R T O R I O.**

*Ritus Communis.*

Offertorium semper dicitur, excepto Sabbato sa-  
cto.

*Inſtruct. I.*

D

II. Tem-

